


www.BibleForChildren.org


मत्तय 8



तिसरा दिहोमेहें गालीलोअ काना होयरोमेहें कोडाआ तेबी वेहवाल
ओतो, आन ईसुउ आयही बी तिहीं ओती. ईसु आन तियाआ सेलां बी
तिया वेहेवालोम आयाते.



जेहेलाम दाराक्शाआ रोह सेलाइत गोयू, ताहां ईसुउ आयही तियाहा
कोयो, “तियां पोअ दाराक्शाआ रोह सेलाइत गोयू.” तियाआ आयही,
सेवकोहों कोयो, “ओ जों कोय, तोज तुमू कोअजा.”



ईसु सेवकोहों कोयो, “कुंडामेहें पाईं पोई द्या.” आन
तियां सेवकहों कुंडाहां सिकार पोई देदे. फाशोअ तिये
तियांहां कोयो, “ओमे जारिक पाईं काडा आन
रांदीणक्याआ मुख्याआ जागे लेत जावा.” आन ते
तियाहा लेत गोया.



जेहेलाम रांदीणक्याआ मुख्ये तों पाईं साकीत पाल्यो, जों दाराक्शाआ
रोह बोणीत गोयोतो आन ने मुंदू ओतू के तो का रेत आयुहू, पो न जियां
सेवकों पाईं काड्योतो, तियांहां मुंदू
ओतू, ताहरुउ रांदीणक्याआ मुख्ये
वोरोहो हाद्यू, आन तियाहा
कोयो, . . .



.... “हारेक माहुंउं पेल हाजू दाराक्शाआ रोह वाटेहे, आन जेहेलामेहें
माहें पित कोइते साकीत जातेहे, तेहेलामेहें मध्याममेन्युउ दाराक्शाआ
रोह आपतेहे; पो न तुमे तोम हाजू
दाराक्शाआ रोह ओमे जाआं
वासाडीत मिक्युहू.”





ईसु गालीलोअ काना होयरोमेहें तियाआ ओ पेल्लूउ समत्कार देखाड़ीत
कोइत तियाआ महिमा देखाड़्यी, आन तियाआ
सेलहां तियापोअ विश्वास कोअयू.



ईसु पेत्राआ कोअ गोयू, आन तिहीं तिये पेत्राआ हावेह्हेहे
आथरुपोअ जोराअरी लोटीत रोल्यी देख्यी.



ताहां तिये तियीइ आथोहो आथ लागाइयु, आन तियीइ जोरु उतरीत
गोयू, आन ते उठीत तियाआ सेवा कोइ वोल्यी.



दिही बुटताअरिही मोन्ज्ये हांजे पोअ माअहें आखी जातीइ मांदवाइया
माअहोंहों आन पुतवाअलांहां ईसुउ जागे लेतावये. होयरोअ आखे माअहें
बाओअ हुंवर टोलू
वोलीत उबे रोये.




तिये जे बातीवानीइं मांदवाइये ओते तियांहां हुदा-ये आन खुब
माअहूंमेहें रेत पुते काड्ये. पोन तिये पुतोहों ने गोगुहूं देदे, काहाके तें
तियाहा ओलखीइतेते.



आखे तियाहा आथ लागाडुहूं होदतेते, काहाके तियामेहें रोट सेक्ती
निहींत कोइत आखाहा हुदारतीते.



तेहेलाम शार माटी तिया लखवाअ मांदवाइयाहा उसलीत
ईसुउ जागे लेत आवया.



पोन गर्दी ओती तिहीं वाअहीं तिया
मांदवाइयाहा ने लेत जात सेक्या. ताहां ते तो ओतू
तिहींइं कोओ पोऱ्येए नाल्ल्ये फेड़ी देदे आन जिया
खाट्लापोअ तो ओतू तिया खाटलाहा ते कोओपोअ
रोत निसे उतरीत सेके एहेलोह गालो कोअयो आन
तिहीं तिया मादवाइयाहा
उताऱ्यो.




तियांआं विश्वास देखीत कोइत ईसु लखवाअ मांदवाइया माहुंहूं कोयो,
“माआं सोआ, ताआ गुनाआं माफी
ओवीही.” “आंय ताहुं कोहो,
उठ, ताआ खाट्लो विस
आन कोअ जा!”



जाहां ईसु नावड़ामेहें सोढ्यू, ताहां तियाआ सेला बी तियाअरी गोया.
ताहां पाला, दोन्यामेहें एतुह वोडु वादुउ
आवयू के तो नावड़ो उपाड़ा वाअहीं
टापाओ वोल्यो, पोन ईसु हुवतूतो.



ईसु तियांहां कोयो, “तुमू काहा बिताहा? तुमाआं विश्वास केतुहू कमी होय!” ताहां तिये उठीत वादुहू आन पाअयोंहों बावराअयू आन उपाड़ा बोंद ओत गोया, आन आखो ठावकोज ओत गोयो. ताहां तें माहें जुदे बोगलाअये आन कोने वोल्ये, “ओं कोइली जातीइ माहुंउं होये, के वादुउ आन दोन्या बी याआ आदेश मानतेहे.”



काहाके देवे दुन्यापोअ एतीही मेर कोअयी के,
तिये तियाआ एखलू बेटुहू आपी देदू, एताआ
काजे के जो कोडो तियापोअ विश्वास मिके, तो
ने आरवाअहूं जोवे, पोन तियाहा
हादाजल्म्योंअ जिवन
जोड़ुहू जोवे.



रोम 3:23 काहाके आखाज पाप कोअयुह, आन देवोअ महिमा रोत सेटे ओत गोयेहे.

रोम 6:23 काहाके पापोअ मोजरी ते मोत होय, पो न देवोअ वरदान आपाआ प्रभु ख्रिस्त ईसुमेहें हादाफल्योअ जिवन होय.

इब्री 9:27 आन जेहलोहो मोनवीइ एकुज वारी मोइलो तिहींरोत न्यायनिवाडु ठरवीत मिक्युह.

इफिस 2:8,9 काहाके देवोअ मेरवानी वाअहींज विश्वासोअ वाखरी तुमू वासाअयेहे; आन ओं तुमा वाअहीं नाहां ओवो, पो न देवोअ भेट होय, आन ओं नाहां आपाआ कामों वाअहीं, एहलोहो ने ओवुहं जोवे के एखु वोडाय कोए.

रोम 10:9,10 काहाके जर तू ताआ सोबी वाअहीं ईसु प्रभु होय कोत कबुल कोअही आन देवे तियाहा मोल्या मेहें रोत जिवाइयुह एहेलुह विश्वास कोअही, ताहां तू हुदाअलीज वासात जाही.



जों मोनोवाअहीं विश्वास कोअहे तों धर्मी ठरेहे, आन जों सोबी वाअहीं कबुल कोअहे तियाहा तारण जोड़ेहे.

योहान 3:16,17 काहाके देवे दुन्यापोअ एतीही मेर कोअयी के, तिये तियाआ एखलू बेटुहू आपी देदू, एताआ काजे के जो कोडो तियापोअ विश्वास मिके, तो ने आरवाअहूं जोवे, पोन तियाहा हादाजल्म्योंअ जिवन जोड़ुहू जोवे. देवे तियाआ बेटाहहाहा दुन्यामेहें याअ काजे नाहां मोकल्यू, के दुन्याआ न्याय निवाड़ू कोए, पोन तियाहा याअकाजे मोकल्यू के दुन्याआ तारण ओवुहूं जोवे.

1 योहान 5:11-13 आन ते साक्शी ए होय के, देवे आपुहूं अमर जिवन आप्योहो आन ओं जिवन तियाआ बेटाहहाम होय. जियाहा देवोअ बेटुहू जोड़्युहू तियाहा जिवन जोड़्योहो; आन जियाहा देवोअ बेटुहू ने जोड़्यु तियाहा जिवन ने जोड़्यो. देवोअ बेटाहहाअ नावोपोअ विश्वास मिकनारा तुमापोअ अमर जिवन होय, ओं तुमुहूं समजाअहूं जोवे कोत आंय तुमुहूं ओं लेखोहो.



मत्तय 8-9; मार्क 1-2, 4; लुक 4, 8; योहान 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Noiri-Bhil Bible (noi) ©The Word For The World International
and Noiri-Bhil Translation Samiti, Dhadgaon, Maharashtra,
India, 2025.

©2026 Bible for Children, Inc.

www.M1914.org

www.bibleforchildren.org

